

2 Julai 2026

SIARAN MEDIA
Untuk Siaran Segera



PULUHAN RIBU KELUARGA DI VENEZUELA PERLUKAN BANTUAN SEGERA

Gempa bumi berkekuatan 7.2 dan 7.5 magnitud yang menggegarkan Venezuela pada 24 Jun 2026 mencetuskan krisis kemanusiaan besar dengan angka korban yang semakin meningkat.

Presiden Perhimpunan Kebangsaan Venezuela, Jorge Rodríguez, memaklumkan bahawa sekurang-kurangnya 2,295 orang telah terkorban, manakala lebih 11,000 lagi cedera.

Bencana ini turut menyebabkan sekitar 15,866 penduduk kehilangan tempat tinggal.

Pada masa yang sama, Pertubuhan Bangsa-Bangsa Bersatu (PBB) menganggarkan kira-kira 50,000 orang masih hilang,

Sistem Kesihatan Venezuela kini menjadi sektor kedua paling kritikal dimana 38 hospital di seluruh negara rosak atau terjejas, 3 tidak beroperasi, 6 berfungsi separa, manakala 91 lagi hospital berada di kawasan berisiko gegaran kuat.

Selain itu, 432 sekolah di Wilayah Ibu Kota di Caracas telah rosak dan jumlah sebenar dijangka lebih tinggi.

Sejak awal bencana, Islamic Relief telah berada di Venezuela bagi menjalankan penilaian dan mengagihkan bantuan awal kepada penduduk terjejas.

Menurut salah seorang ahli pasukan tindak balas kecemasan Islamic Relief, Omar Khalifa, terlalu ramai keluarga kini terpaksa bermalam di kawasan terbuka di tepi jalan.

“Puluhan ribu keluarga yang terselamat kehilangan tempat tinggal dan mereka amat memerlukan bantuan seperti makanan, ubat-ubatan dan tempat perlindungan.

Dikeluarkan oleh: Komunikasi Strategik, Islamic Relief Malaysia.

Untuk keterangan lanjut, hubungi Sis Zafirah di 019-220 1788 atau e-mel ke Zafirah.Zahari@islamic-relief.org.my

“Keadaan di beberapa pusat pemindahan amat huru-hara. Ramai mangsa berada dalam keadaan tertekan sambil mencari ahli keluarga yang masih hilang. Mereka tidak tahu sama ada insan tersayang masih hidup atau telah terkorban. Mereka tidak tahu sama ada perlu terus berharap atau mula menerima kehilangan itu.

“Keluarga-keluarga kini berlindung di khemah-khemah serba sederhana sambil memikirkan keadaan seterusnya dan bagaimana untuk mendapatkan bantuan. Ramai kanak-kanak jatuh sakit dan tidak tahu ke mana harus mendapatkan rawatan,” katanya.

Usaha luar biasa sedang giat dijalankan oleh pasukan sukarelawan tempatan, yang merupakan rakan kerjasama Islamic Relief, bagi memastikan bantuan dapat disalurkan kepada mereka yang benar-benar memerlukan. Namun, skala keperluan ketika ini amat besar dan mendesak, sekali gus memerlukan sokongan yang lebih meluas dan berterusan.

“Tahap kemusnahan yang berlaku sukar dibayangkan. Kami baru sahaja pulang dari sebuah bangunan yang runtuh sepenuhnya sehingga silingnya menjadi lantai. Gegaran susulan masih berlaku.

“Malah, beberapa sukarelawan yang bekerjasama dengan kami terpaksa mengosongkan bangunan kerana salah satu gegaran susulan itu sangat kuat. Setiap gegaran susulan menambah lagi tekanan dan trauma yang dialami oleh mangsa,” tambah Omar.

Islamic Relief kini bekerjasama dengan beberapa rakan NGO tempatan untuk menyalurkan pelbagai bentuk bantuan, termasuk pek makanan, kit kebersihan, pakaian, tilam, air minuman bersih dan bekalan perubatan kepada penduduk terjejas.

Setiap pek bantuan mengandungi keperluan asas seperti minyak masak, makanan dalam tin (daging dan tuna), susu tepung, tuala wanita, berus gigi, ubat gigi dan tisu tandas. Setiap keluarga menerima bekalan awal yang dijangka mencukupi untuk tempoh satu minggu.

Terkini, Islamic Relief telah mengunjungi sebuah pusat perlindungan di Caracas yang menempatkan 4,000 orang bagi menjalankan penilaian keperluan serta meninjau usaha penyelarasan bantuan.

-TAMAT-

Mengenai Islamic Relief

Islamic Relief merupakan sebuah organisasi kemanusiaan antarabangsa yang ditubuhkan pada tahun 1984 sebagai tindak balas terhadap isu kebuluran di Afrika Timur. Ibu pejabat Islamic Relief terletak di Birmingham, United Kingdom. Islamic Relief beroperasi di lebih 40 buah negara dan telah membantu ratusan juta orang. Kini, Islamic Relief Worldwide merupakan antara salah satu badan amal dan pembangunan terbesar di dunia.

Mengenai Islamic Relief Malaysia

Islamic Relief Malaysia ditubuhkan pada 2004, bertujuan untuk meneruskan bantuan kemanusiaan Islamic Relief di Rantau Asia-Pasifik. Kini, Islamic Relief Malaysia berperanan sebagai pejabat penjanaan dana dan pelaksana projek tempatan dan antarabangsa.

Maklumat lanjut mengenai Islamic Relief Malaysia boleh diperoleh di www.islamic-relief.org.my atau menghubungi talian +603-8926 3434.